



МЕСЯЦА МАЯ В 20-й ДЕНЬ

Обрѣтение мощей ѿже во святѣхъ отца нашего
Алексѣя Митрополита,
Московскаго и всея Россіи чудотворца

НА МАЛОЙ ВЕЧЕРНИ

Стихиры, глас 4

Подобен: Дал еси знамение:

Дал еси крѣпкаго адаманта, / правды и мѹже-
ства венцемъ украшена, / целомѹдренна
сущно / и добродѣтелями превосходяща, /
святителя Алексѣя. / Темъ Твое неизреченное
смотрѣние славимъ, / Иисѹсе Всесильне, Спасе душъ
нашихъ.

Дал еси знамение / Твоего благосердія и
милости / боящимся Тебѣ, Господи, / и хранящимъ
законъ Твой, / явленіе честныхъ мощей / угодни-
ка Твоего Алексѣя, / целѣбъ пучину неисчерпаему. /
Тѣмъже неизреченное смотрѣние Твое славимъ, /
Иисѹсе Всесильне, Спасе душъ нашихъ.

Дал еси даръ благодатный / христолюбивымъ лю-
демъ, / Богоглаголива учителя православныя вѣ-
ры, / инокомъ твѣрдое защищеніе, / сирымъ яко отца
чадолюбива и милосерда, / вдовицамъ же теплое
заступленіе / и всемъ скорбящимъ утѣшеніе. / Темъ
Твое человеколюбное смотрѣние славимъ, / Иисѹсе
Всесильне, Спасе душъ нашихъ.

Дал еси, Всесильне, / Церкви Твоей правителя
изрядна, / святителя Алексѣя, / богатяща благо-

чести́ем, / и, я́ко порфи́рою многоце́нною,
крася́щаяся / непоро́чным жити́ем и ми́лостынею, /
и пра́вдою, я́ко Божество́нным венце́м, обложив-
шаяся, / и чуде́с дар прие́мша от всемо́щныя
десни́цы Твоея́. / Те́мже Твое́ человеколю́бное
смотре́ние сла́вим, / Иису́се Всеси́льне, Спа́се душ
на́ших.

Сла́ва, глас 4:

Я́ко звезду́ пресве́тлую, / осиява́ющую страну́
всю Росси́йскую, / тебе́ Бог пре́жде избра́ от
юности, / о́тче святите́лю Алексе́е, / па́стыря овца́м
словесным, / воздви́гшаго це́рковь благоле́пну, /
преукра́шену и всечу́дну, / в не́йже вси пра́зднуем
честно́е Благовеще́ние Пресвяты́я Богоро́дицы, / и
е́же в Хо́нех чу́до Архистрати́га Миха́ила. / Окрест
же стоя́ще ра́ки твоея́, / и́же има́ть в себе́ дар
исцеле́ния благода́ти, / честны́я мо́щи твоя́, святи́-
телю Алексе́е, / твоими́ бо моли́твами и посóбием, /
ве́рное во́инство на́ше / держа́вно побежда́ет пога́-
ных сопоста́т. / Тебе́ Хри́сто́с свети́ло вели́кое
показа́ в Росси́и, / ты похвала́ земли́ на́шей и
защище́ние. / Те́мже, днесъ пра́зднующе честно́е
пренесе́ние твое́, / мо́лим тя, свя́те: / мир ми́ру
испроси́ / и душа́м на́шим ве́лию ми́лость.

И ны́не, Богоро́дичен.

На стихо́вне стихи́ры, глас 1.

Подóбен: Небе́сных чино́в:

Небе́сным чино́м / поревновáл еси́, / святите́лю
Алексе́е, / и на земли́, Богоно́се, / освяще́н сосу́д
яви́лся еси́ / и жили́ще Пресвята́го Ду́ха.

Стих: Священни́цы Твой́ облеку́тся в пра́вду, / и
преподóбнии Твой́ возра́дуются.

Небе́сным чино́м ра́дование, / и на земли́ святи́-
телем показáлся еси́, / священником сла́ва, / Алек-
се́е премудре, / мона́шествующим пра́вило / и
Це́ркве утвержде́ние.

Стих: Блаже́н муж, боя́йся Го́спода, / в за́поведех
Его́ восхо́щет зело́.

В Небе́сных водворя́ясь, / земных ны́не приими́
хвалу́ / ча́д твоих, о́тче, / пра́зднующим же честно́е
пренесе́ние / мо́щей твоих / подава́й серде́чная
проше́ния.

Слава, и ныне, Богородичен:

Небесным ликом радование / и на земли человеком, / Христа Жизнодателя / родила еси, / отъеми печаль, / Дево, праматернюю.

Тропарь писан на велицей вечерни

Слава, и ныне, праздника или Богородичен.

НА ВЕЛИЦЕЙ ВЕЧЕРНИ

Поем: Блажен муж: 1-й антифён. На Господи, возвах: стихиры на 8, праздника 3 и святого 5, глас 1.

Подобен: О, дивное чудо:

О, дивное чудо! / Источник чудодейний, / от гроба возсияша святые мощи / святителя Христова Алексия. / Веселися и радуйся, христоименитый граде Москва, / такового святителя приим, / Богопроповедника благодати. / Воспоём, вернии, Давида имуще ликоначальника: / священницы Твой облекутся в правду, / и преподобнии Твой возрадуются, / просяще у Христа мира и велия милости.

Дивныя твои цветы добродетелей, Алексие, / яко маслина плодовита в дому Божии: / светло возшел еси в Небесныя обители, / идеже воздадеша тебе венец за труд воздаяния. / Нам же честная дарования обретошася, / от мног лет сокровены честныя твои мощи нетленны, / чудес зарю испускающия / чтущим память твою, святителю, и вопиющим: / Господа умоли, преподобне, / даровати нам велию милость.

Преславная чудеса явившася днесь, / сокровище неиздаемо дарований духовных, / источник исцелений / и спасение верным, / чудотворныя мощи святителя / и пастыря овцам словесным, / святительское честное украшение, / закон церковных великое утверждение, / воспоём, вернии, святителя Алексия, / Господа моляща, / подающего нам велию милость.

Слава, глас 8:

Приидите, Российстии собори, и видите, / яко украшение царско / и яко венец пресветлый,

прият днесь преименітый град Москвѣ / честныя
мощи святителя Алексія: / от мног бо лет сокрове-
ны, обретѡшася нетлѣнны. / О нѣхже украшается, /
и, хваляся, вселѣнную созывает на весѣлие Божѣ-
ственных дарованій, / неисчерпаемых чудес, / от
них бываемых всегда, / и велегласно вопіет: / Ты
проявил еси, Владыко Христѣ, / сицевѣго святите-
ля христоименітым людем, / свѣтло прѣздну-
ющим, / и царствія сподѡби их Небѣснаго молѣт-
вами егѡ.

И ныне, праздника или Богородичен:

Царь Небесный:

Вход. Прокімен дне. Чтѣнія три.

Прѣтчей чтѣние (главы 3 и 8):

Пѣмѣть праведнаго с похвалами, / и благословѣ-
ние Господне на главѣ егѡ. / Блажен человек, иже
обрете премудрость, / и смѣртен, иже увѣде разум. /
Лучше бо сѣю куповати, нежели злата и сребра
сокровища. / Честнейшая же есть каменій много-
цѣнных, / все же честное недостѡйно еѣ есть. /
Долготѣ бо дней и лѣта животѣ в деснице еѣ, / в
шуйце же еѣ богатство и слава, / от уст еѣ исходит
правда, / закон же и мѣлость на язѣце нѡсит. /
Послушайте убо менѣ, о чада! / честная бо рекѣ, / и
блажен человек, иже путѣ мой сохранит: / исходи
бо мой, исходи животѣ, / и уготовляется хотѣние от
Господа. / Сего ради молю вас / и предлагаю мой
глас сыновѡм человѣческим: / яко аз, премудрость,
устроих совет, / и разум, и смысл аз призвах. / Мой
совет и утверждѣние, / мой разум, моя же крѣ-
пость. / Аз менѣ любящія люблю, / ищущи же менѣ
обращут благодѣть. / Разумѣйте убо, незлѡбиви,
коварство, / ненаказанни же, прилагайте
сердца. / Послушайте менѣ и паки: / честная бо
рекѣ и отвѣрзу от устен правая, / яко истине
поучится гортѣнь мой, / мѣрзки же предо мною
устны лживыя. / С правдою вси глаголы уст моих: /
ничтоже в них стрѡпотно, ниже развращенно. /
Вся права суть разумевающим и проста обре-
тающим разум. / Научаю бо вас истине, / да
будет о Господѣ надежда ваша, / и исполнитесь
Духа.

Притчей чтение (главы 10 и 11):

Уста праведнаго каплют премудрость, / язык же неправеднаго погибнет. / Устне мужей праведных каплют благодати, / уста же нечестивых развращаются. / Мерила лстивая мерзость пред Господем, / вес же праведен приятен Ему. / Идеще аще внидет досаждение, тамо и безчестие, / уста же смиренных поучаются премудрости. / Совершение правых наставит их, / и поползновение отрицающихся упасет их. / Не пользуют имения в день ярости, / правда же избавит от смерти. / Умер праведный, остави раскаяние, / наручна же бывает и посмеятельна нечестивых пагуба. / Правда непорочнаго исправляет пути, / в нечестие же падает неправда. / Правда мужей правых избавит их, / безсоветием же пленяются беззаконнии. / Скончавшуся мужу праведну, не погибнет надежда, / похвала же нечестивых погибнет. / Праведник от лова убежит, / в негоже место предается нечестивый. / Во устех нечестивых сеть гражданом, / чувство же праведных благоспешное. / Во благих праведных исправится град, / и в погибели нечестивых радование. / Во благословении правых возвысится град, / усты же нечестивых раскопается. / Ругается гражданом лишенный разума, / муж же мудрый безмолвие водит.

Премудрости Соломони чтение (глава 4):

Праведник аще постигнет скончаться, в покои будет. / Старость бо честна не многолетна, / ниже в числе лет исчитается, / седина же есть мудрость человеком, / и возраст старости житие нескверное. / Благоугоден Божови быв, возлюблен бысть / и живый посреде грешник, преставлен бысть. / Восхищен бысть, да не злоба изменит разума его / или леть прельстит душу его. / Рачение бо злобы помрачает добрая / и парение похоти пременяет ум незлобив. / Скончався в мале, исполни лета долга, / угодна бо бе Господеву душа его, / сего ради потщася от среды лукавствия. / Людие же видевше и не разумевше, / ниже положше в помышлении таковое, / яко благодать и милость в преподобных Его / и посещение во избранных Его.

На литіи стихіры, глас 6. Самогласны:

Возсія днесь, яко со́лнце,/ и, яко мо́лния,
возблиста́, о́тче, веща́ние твоё,/ и, якоже гром,
возгреме́:/ с Небесе́ бо имёл еси́ свѣ́ще дохнове́ние
и́стинно,/ ны́не же честны́я мо́щи тво́я / неугаси́мы
лучи́ чуде́с испу́щают от гроба́,/ яко от черто́га
свѣ́тла,/ просвеща́юще ду́ши пою́щих тя.

Пресла́вно просла́вился свята́я це́рковь,/ в ней-
же положены́ бы́ша честны́я мо́щи тво́я;/ к нимже
 вси ве́рнии, притека́юще,/ неисцѣ́льным страсте́м
пріе́млют исцелѣ́ния / о́ имени твоём, святи́телю
Алексіе́,/ моли́ спасті́ся нам.

Сла́ва, глас то́йже:

Святи́телей удо́брение,/ Алексіе́ премудре́,/
сто́лпе и утвержде́ние Це́ркве,/ Богосло́вія труба́
златокова́нная,/ Тро́ицы поборо́ниче,/ благоче́стія
законопи́сче,/ пражда́ющим нам о́бретение че-
стны́х мо́щей твои́х / оставле́ние грехо́в испроси́/
и па́ству твою́ до́бре сохрани́,/ да вси ублажа́ем тя.

И ны́не, праждника или́ Богоро́дичен.**На стиховне стихіры, глас 5. Самогласны:**

Приидіте, вни́дем в це́рковь Господню́,/ в дом
Бо́га на́шего,/ и ўзрим сла́ву Единоро́днаго от
Отца́,/ сла́ву и украше́ние церко́вное,/ светильни-
ка неугаси́ма,/ и, яко от окри́на благово́нна / и от
цвете́ц райских неувяда́емых,/ мирово́нна благо-
во́ния,/ усажда́юща сердца́ ве́рных,/ честны́я
мо́щи святи́теля Алексі́я,/ различная исцелѣ́ния
испу́щающа,/ яко от исто́чника приснотеку́щаго. /
О, премудрых суде́б Твои́х, Христэ́!/ Такову́ю
благодать дарова́вый уго́днику Твоему́,/ егоче́
моли́твами поми́луй нас.

Стих: Священни́цы Твои́ облеку́тся в пра́вду,/ и
преподо́бнии Твои́ возра́дуются.

Благодать Свята́го Ду́ха де́йствующая есть / к
ра́це мо́щей твои́х ве́рою притека́ющим:/ тем бо
благово́ние ми́ра чуде́с испу́щаеши / и неду́гов
исцелѣ́ние подава́еши. / Но, о преосвященны́й
о́тче Алексіе́!/ Име́яй дерзнове́ние к Бо́гу,/ и с
Безплотны́ми лику́я на Небесе́х,/ с ними́же моли́ся
Ему́,/ е́же спасті́ся ста́ду твоему́ невоева́ну.

Стих: Честна́ пред Го́сподем / смерть преподо́б-
ных Его́.

Яко ма́сличен но́вый сад возло́блен / Бо́жия
трапéзы, был еси́, / я́ко и́стинный свидéтель благо-
вёстия Христо́ва, / ца́ря удивил еси́ чудес сия́нии: /
ца́рице же, душо́ю и тéлом ослéпшей, / свет
чу́вственный дарова́л еси́, / Це́ркви же Христо́ве /
простра́нно свет Тро́ичный зрёти откры́л еси́. /
Тем и Христо́с Тя благослови́, / и ви́диши благая́
Иерусали́ма, / и в нем пи́щи Божéственныя на-
слажда́йся, / достохва́льне и преосвяще́нне / свя-
тители́ Христо́в Алексіе, / и нас моли́твами
твоими́ / о́бщники бы́ти Ца́рствия Небе́снаго
сподо́би.

Сла́ва, глас 6:

Неизда́ема есть благода́ть святители́ Алексі́я, /
ю́же при́ят от всех Ца́ря, Христа́ Бо́га, / тем и
честны́я его́ мо́щи / Бо́жиею си́лою вѣну содева́ют
чудеса́ / и всех, ве́рою призыва́ющих і́мя его́, / от
неисце́льных неду́г изменя́ют. / Его́же моли́твами,
Го́споди, / христолю́биво́му во́инству на́шему по-
со́бствуй на враги́ / и належа́щих нас скорбе́й
душе́вных / и телéсных страсте́й свободи́, / я́ко
Человеколю́бец.

И ны́не, пра́здника и́ли Богоро́дичен.

Тропа́рь, глас 2:

Яко сокрови́ще пребога́тое, многоле́тно в земли́
сокрове́нное, / честны́я мо́щи твоя́ обрето́шася
чудото́ча́щая, / всеблаже́нне о́тче святители́ Алек-
сіе: / от ни́хже врачевство́ прие́млюще,
обогаща́емся / и Христа́ славосло́вим, глаго́люще: /
сла́ва прославля́ющему святы́я Своя́.

Ин тропа́рь, глас 4:

Апосто́льских прее́мников архиере́ев сопре-
сто́льниче, / Росси́и всея́ па́стырю и учи́телю, /
всеблаже́нне о́тче Алексіе, / Влады́ще всех
моли́ся / мир па́стве твое́й дарова́ти, / и спасе́ние
душам, / и ве́лию ми́лость.

Ин тропарь, глас 3:

Свѣще от Бѣга глас глаголющ услышав, / от юности подвижався, мудре, / в молитвах, и во умиленіи, и слезах, / во бденіих же и пощеніих образ быв добродѣтели, / отонюдуже и дом Духу Пречистому явися. / Сего ради Русскія митрополіи архиерейским саном почтен быв, / Христова стадо упасл еси добре, / еретическая нападенія, не усумнѣся, отрази / и церкви воздвиге Христоу, святителю Алексіе, / иночествующих лики собора / и сих Христоу привел еси. / Умре же, явися, яко спящ, / цел соблюден бысть пред многими лѣты, / подавая цельбы болящим. / Тем молим тя: / моли Христа Бога спасти град твой Москву неврежден / и страну и православныя люди по велицей Его милости.

НА УТРЕНИ

На Бог Господь: аще есть 50-ца, тропарь праздника, дважды. Слава, святителя. И ныне, праздника. Аще ли пост, тропарь святителя, дважды. Слава, и ныне, Богородичен.

По 1-й стихологии седален, глас 8:

Наста светоносный день, чудотворца, архиепископа Алексія память, / приидите, сошедшеся, празднуем светло и составим лики, / и похвалами почтим его, и рцем ему: / радуйся, честный светильниче Россійския земли, / источаеши бо чудеса, и изливаеши исцеления, / и молишися о душах наших.

Слава, и ныне, праздника или Богородичен:

Да Твой паки созиждеша образ, Спасе, истлевший страстьми, / Небесных утаився существ, воплотился еси от Девы, / Ейже со страхом вопиѣм: / радуйся, Обрадованная, Господь с Тобою.

По 2-й стихологии седален, глас 4:

Приидите, торжествуем светло, празднующе память святителя Алексія чудотворца: / преставися бо от земли к невещественным обителем, / идеже зрит доброту неизреченную, / ангельским ликом

собесѣдникъ быв. / Тѣмже, со апостолы и мученики
ликуя, отче наш Алексіе преподобне, / прилѣжно
молися Владѣще Христу о чтущихъ верою память
твою.

Слава, и ныне, праздника или Богородичен:

Стенá непобѣдимая нам, христианом, еси, Богородице Дѣво: / к Тебѣ бо прибегающе, невредими пребываем / и, паки согрешающе, имамы Тя молитвенницу. / Тем, благодаряще, вопиѣм Ти: / радуися, Благодатная, Господь с Тобою.

По полиелѣи седален, глас 8:

Проповѣдует, отче, твоѣ чудеса ныне Россійская митрополія / и вся отечествія и страны чудодѣйствія: / яко вся от болезней и скорбей избави, Богоблаженне Алексіе, / питателю вдовиц и сирых, аки отец, / помощник в скорбех всеизряден, плачущихъ утешение, / пастырь и наставник блудящих, Алексіе преподобне. / И нас твоими молитвами от бед избави, / молися Христу Богу прегрешений оставление подати / верою и любовью чтущимъ святую память твою.

Слава, и ныне, праздника или Богородичен:

Яко Дѣву и едину в женах, Тя, без семени рождшую Бога плотию, / вси ублажаем, роди человечести: / Огнь бо вселися в Тя Божества / и яко Младенца млекоу питаеши Зиждителя и Господа. / Тем, Ангельский и человеческий род, достойно славим пресвятѣе рождество Твое / и согласно вопиѣм Ти: / моли Христа Бога согрешений оставление даровати / поклоняющимся верою пресвятому рождеству Твоему.

Таже степенна, 1-й антифон 4-го гласа. Прокимен: Честна предъ Господомъ / смерть преподобныхъ Его. Стих: Чтѣ воздамъ Господеву о всехъ, яже воздаде ми? Всякое дыханіе: Евангеліе от Иоанна, зачалѣ 35, от полѣ.

По 50-м псалмѣ стихира, глас 8:

Всякъ языкъ да подвижится / к похвалѣнію преславнаго святителя и чудотворца Алексія, / весь

род и вóзраст всяк, / юноши, и дéвы, и стáрцы, / мона́хи и священники / и вси земнии концы, / духо́вный лик составим пéнием, / тру́бный глас воспри́йдем / и благодарныя пёсны принесём, глаго́люще: / ра́дуйся, Христо́в святíteлю, / положи́вый ду́шу за о́вцы тво́я, / я́ко о́бщник Христа́ Бо́га на́шего. / Ра́дуйся, служи́телю Небе́сный, / и па́стырей па́стырю, / и страда́лец непобеди́мый, / ра́дуйся, прие́мый благода́ть духо́вную, / отъе́млеши бо недúги, и отгони́ши дýхи лука́выя, / и исцеля́еши стра́сти, / и просвеща́еши ве́рныя блиста́нии чуде́с тво́их. / С Вы́шними же ли́ки ны́не водворя́ясь, священнотаи́нниче, / ра́дости неизрече́нныя наслажда́еши. / Егóже моли́ изба́виться вся́кого гне́ва и муче́ния / творя́щим сла́вную твою́ па́мять.

И́ а́ще е́сть Пятидеся́тница: кано́н пра́здника на 6 и святíteля кано́на два, на 8. Творе́ние Пители́ма, еписко́па Пе́рмского, глас 6.

Песнь 1

Ирмо́с: Я́ко по сýху, пешешество́вав Изра́иль / по бе́здне стопа́ми, / гони́теля фарао́на / ви́дя пото́пляема, / Бо́гу победную́ песнь / по́йм, вопия́ще.

Отве́рзи ми устне́ благода́тию Твоего́ Божества́, Христо́е, / и, озари́в, просвети́ ду́шу же и се́рдце несумне́нною ве́рою воспéти / обрéтение честны́х мо́щей святíteля Твоего́ Алексíя.

От уст недосто́йных, и от се́рдца нечи́ста, / и от недости́жнаго ума́ на́шего / приими́ ма́лое хвале́ние, святíteлю Алексíе, / воспéти обрéтение честны́х мо́щей тво́их.

Тро́ицу Ли́цы, Еди́ницу же Суще́ством пропове́дал еси́, святíteлю, / и от То́я незави́стныя да́ры прия́л еси́, / и исцелéния различна́я подава́еши ве́рою приходя́щим к ра́це мо́щей тво́их.

Богоро́дичен: Я́зыков ча́яние дрéвле Тобо́ю дарова́ся, Пречи́стая Богоро́дице: / Ты бо Христа́ родила́ еси́, от ро́ва прегрешéний возводя́ща во тлю́ попо́лзшиися / и от бед избавля́юща Тя велича́ющия.

Други́й кано́н, глас 8.

Песнь 1

Ирмос: *Воду прошѣд, яко сущу, / и египетскаго зла избежав, / израильтянин вопиюще: / Избавителю и Богу нашему поим.*

Даждь ми слово, Слове, и ум мой благодатию Духа просвети, / еже восхвалити Твоего угодника, святителя Алексия.

Испроси у Христа даровати ми благодать Духа, / еже соплесть тебе достоюльную хвалу, / Богомудре отче Алексие.

Приими моление наше, святителю Алексие, / и озари наша мысли светом твоих добродетелей, / пети тя достойно.

Богородичен: *Земнороднии Рождеством Твоим, Дево Богородице, / от земли к Небесней высоте взяхомся / и ангельским ликом причтохомся.*

Катавасия праздника.

Песнь 3

Ирмос: *Несть свят, / якоже Ты, Господи Боже мой, / вознесый рог верных Твоих, Блаже, / и утвердивый нас на камени / исповѣдания Твоего.*

Смиреномудрия нравом и образа кротостию Ангельскому житию подобяся, / нескверно и непорочно тело твоё соблюл еси, / преосвященный отче, святителю Алексие.

Яко звезда многосвѣтлаго солнца, от гроба возсияша, / от многих лет сокроены, честныя мощи святителя Алексия, / чудес лучи испущающе и исцеления всем подающе.

Радостию убо возрадовашася вси московстии народи, / архиерей великий со святители, и христоролюбивии князи, / и церковное все совокупление, / егда обретошася честныя твоя мощи, ничимже вредимы, святителю Алексие.

Богородичен: *Рождшая Свет всему миру, / просвети наша помышления, Пречистая Владычице, / и неразумия мглу далече отжени, едина Богоблаженная.*

Ин

Ирмос: *Утвердися сердце моё во Господе, / вознесёся рог мой в Боже моём, / разширишася на враги моя уста моя, / возвеселихся о спасении Твоём.*

Мо́лим тя, святі́телю, мо́ли о хва́лящих тя/ и притека́ющих любóвию к честн́ым мо́щам тво́йм,/ е́же получи́ти грехо́в прощ́ение и бед свобожде́ние.

Просла́ви тя Госпо́дь, святі́телю Алексі́е,/ мно́га бо ле́та те́ло твоё, земле́ю покрове́но, соблюде́ нетле́нно,/ точа́щее чуде́са прося́щим тя те́пле.

Прояви́ Госпо́дь мо́щи тво́я/ и, я́ко свети́льник све́тел, поста́ви я не под спúдом, но на све́щнице,/ да све́тят сия́нием чуде́с притека́ющим ти с ве́рою.

Богоро́дичен: Приво́дим Тебе́ в моли́тву ми́лостивную Хода́таицу,/ ро́ждшую Тя плóтию, Христе́ Бо́же наш,/ Ея́же моли́твами, Ще́дре, мир Тво́й умири́.

Ин конда́к, глас 3:

Я́ко светонóсная па́мь святі́теля/ всем разру́ши уны́ние/ и свет облистá Небéсных даро́в,/ всех созыва́ющи на весе́лие:/ от Бо́га бо, святі́телю Алексі́е, благода́ть обре́те прогони́ти недúги/ и вся челове́ки исцеля́ти,/ и мнѣхом же степе́нь* показáся.

Седáлен, глас 1:

Па́мь обре́тения честн́ых мо́щей тво́их наста́ нам све́тло празднество́,/ пречúдный святі́телю Хри́стов, Алексі́е прехва́льне,/ в ню́же чуде́с благода́ть при́ял еси́ от всех Царя́, Хри́ста́ Бо́га,/ различны́я недúги от челове́к отгони́ти, и от уз избавля́ти,/ и оби́димых от лю́т изымáти./ Те́мже зове́м: изба́ви нас от враг на́ших.

Сла́ва, и ны́не, пра́здника или́ Богоро́дичен:

Гаври́илу вещавшу Тебе́, Де́во, ра́дуйся,/ со гла́сом воплоща́шеся всех Влады́ка/ в Тебе́, святе́м киво́те, я́коже рече́ пра́ведный Дави́д,/ яви́лася еси́, шир́шая Небес, поно́сивши Зижді́теля Тво́его́./ Сла́ва Всель́шемуся в Тя, сла́ва Проше́дшему из Тебе́,/ сла́ва Свобо́дившему нас рождество́м Тво́йм.

Песнь 4

Ирмо́с: Хри́сто́с мой си́ла,/ Бог и Госпо́дь, честна́я Це́рковь/ боголе́пно поёт, вызы́ающи,/ от смы́сла чи́ста о Го́споде праздну́ющи.

* степе́нь — путь, основание, твердыня.

Благодарственные пѣсни принесѣм Христу́ Бо́гу нашему, / тако́ваго святи́теля дарова́вшему Цѣркви Сво́ей, / пречестно́е удо́брѣние и гра́ду Москвѣ вели́кое утвержде́ние.

Яко Ааро́н незло́бием, Ду́ха благода́тию, сла́вне, / в ри́зу свѣ́ше облѣ́кся е́сли преподо́бия и пра́вды / и, предсто́я престόлу Христо́ву, моли́ о нас непреста́нно, / святи́телю Алексіе.

Яко лу́ча светоза́рнаго со́лнца, от грóба нам възы́де, святи́телю, / оза́ряя всех, ве́рою почита́ющих обрѣ́тение честны́х мощей твои́х, / Богобла́женне Алексіе.

Богородичен: Ра́дости нам ходатаи́ца яви́лася еси́, / я́ко приѣ́мши исполне́ние всего́ Божества́, Всенепоро́чная. / Тем вси, ра́дуйся, Ангелово велегла́сно зове́м, Богора́дованная.

ИѲ

Ирмо́с: Из горы́ приосене́нныя, Сло́ве, проро́к, / еди́ныя Богороди́цы, / хотя́ща вопло́тится боговѣ́дно усмотри́ / и со стра́хом славосло́вяше си́лу Твою́.

Тѣплый предста́телю бѣдству́ющих / и моля́щихся ско́рый услы́шателю, о́тче наш, святи́телю Алексіе, / изба́ви от вся́ких напа́стей вся, призы́вающія тя.

Свети́льниче всесвѣ́тлый, просия́вый добродѣ́тельми твои́ми, / оза́ри сердца́ на́ша, омраче́нная прило́ги льсти́ваго, / и разжени́ тьму страсте́й при́сно борю́щих ны.

Пра́зднующим свѣ́тло па́мять твою́, / оте́честву на́шему и лю́дем мир у Христа́ испроси́ / и изба́ви от междоусо́бныя бра́ни и нашестви́й проти́вных.

Богородичен: Пала́та прекра́сная и престόл Всеца́ря Христа́ показáлася еси́: / честне́йшая бо еси́ войсти́нну всех тва́рей, Богома́ти, / Предста́тельница и покрóв душ на́ших.

Песнь 5

Ирмо́с: Бо́жиим свѣ́том Твои́м, Бла́же, / у́тренюющих Ти ду́ши любви́ю оза́ри, молю́ся, / Тя ве́дети, Сло́ве Бо́жий, / и́стиннаго Бо́га, / от мра́ка грехо́внаго вызы́вающа.

Благодатию Божественнаго Духа молитва твоя поспешествуема: / егда́ убо цѣрковь падѣся, образъ, ѿже в ней, святыхъ ничимже вредѣ, / яко ни праху прикоснѹтисѣ им, / тако и нынѣ сохраняѣй град твой от сопротивныхъ врагъ.

Всемъ христианомъ в бѣдахъ помощникъ и граду Москвѣ вѣлий заступникъ, / недугующимъ врачъ безмѣздный, / и сущимъ в нѹждахъ и скорбехъ готовѣйшій утѣшитель, / и ходатай теплый ко всемъ Царю, Христу́ Богу.

На земли положено бысть честное тѣло твоѣ, святителю Алексіе, / духъ же возлетѣ на Небеса́, со апостолы же и святители и со Ангелы ликовствуя, / Святей Троице предстоѣши: / моли́ся прилежно за град и люди твоѣ, святе.

Богородичен: Тайны Твоеѣ глубина́, Пречистая Богородице, Ангельскія чины удивляетъ, / и честная Твоя икона бѣсы смущаетъ и прогоняетъ, / мы же покланѣемъ Ти ся, вѣдуще Тя, Божию Матерь.

Ин

Ирмос: От нощи невѣдения / Боговѣдениемъ просветѣвый концы, / просветѣ мя утромъ человеколюбія Твоего́, Господи.

Блистанными чудесъ твоихъ, Богомудре, цѣрковь твою́ озарѣ и люди возвесели, / Христа́ моля́ дати всемъ намъ грѣховъ прощѣніе.

Моли́ о насъ Всесвятую Троицу, святителю Алексіе, / яко да низпослѣтъ намъ благодать Свою́, хвалящимъ тя любовью.

Всечестная рака твоя́, святителю Алексіе, / чудеса́ точитъ приходящимъ вѣрно / и просящимъ подаѣтъ цельбу́ обильно.

Богородичен: Еди́наго от Троицы воплощеннаго Бога́ истинно родила́ еси́, / Егѡ́же моли́ от бѣдъ избавитисѣ рабѡмъ Твоимъ.

Песнь 6

Ирмос: Жите́йское море, / воздвиза́емое зря́ напастей бурею, / к тихому пристанищу Твоему́ прите́къ, вопію́ Ти: / возведѣ́ от тли живѡтъ мой, Многомилостиве.

Христовою сілою облѣклся еси́, Алексіе премудре, / и священнодѣтель истиненъ показался еси́,

Божіим сіяніем просветівся, / яко от окріна, честнѣя твоея раки исцелѣнія различна неоскѣдно подаѣши / прѣзднуюющим вѣрно честнѣх твоих мощѣй обрѣтение.

Вседѣтельнаго Дѹха пресвѣтлыми лучами осіяемъ прѣсно, / от различных искушеній, и бед, и скорбѣй, обдержѣющих нас, / яко Христов угѣдник, ѡтче, избѣви рабы твоея, / светонѣсное твоѣ торжество всегда совершающих вѣрно, святителю Алексіе.

Ясно проповѣдал еси единство Троицы, / и немѹдрых сердца в разум привел еси, / и рѣдшему Слово сопрестѣльно / Богоразуміем истинным равно славословив. / Тем, в Небесных селеніих водворяясь, от бед нас избавляй.

Богорѣдичен: Рѣдшая сіяние славы Ѳтчи, Дѣво Богорѣдице Всепѣтая, / просвети дѹши поющих Тя: / Твоею бо благодѣтию нетленны сохранены бѣша честнѣя мѣщи святителя Алексія, / различные дарованія источающа вѣрою чтѹщим память его.

Ин

Ирмос: Молѣтву пролиѹ ко Господу / и Тому возвещѹ печѣли моя, / яко зол дѹша моя исполнися / и живѣт мой аду приближися, / и молѣся, яко Иѣна: / от тли, Бѣже, возведи мя.

Преосвященне Алексіе, красотѣ церковная, архиереев благолѣпіе, / равностѣтелю же святѣх Ангел, моли о хвѣлящих тя / и испроси получитьи всем грѣхов оставленіе.

Преблаженне святителю Алексіе, молися прилѣжно за град и люди твоея, / и обдержѣюща скорби премени, / и грѣхов прощѣние и гѣрняго весѣлія наслѣдіе испроси.

Пѣдвиг твоих трудами приѣл еси Божѣственная дарованія: / честнѣя бо твоея мѣщи в шестѣдѣсѣтное лѣто обретѣшася нетленны, / исцелѣнія различная подающих.

Богорѣдичен: Припадающе, молим Тя прилѣжно, всемѣлостивая Владѣчице: / моли из Тебѣ рѣдшагося избѣвити ны лѹтыя скорби, / и вѣрварскаго прещѣнія, и всякаго навѣта вѣржия.

Конда́к, глас 8:

Яко со́лнце незаходи́мое, от гроба́ возсия́ нам / от мно́г лет сокро́вены честны́я твоя́ мо́щи нетле́нны, / святите́лю Алексе́е, / тобо́ю благода́ть прие́млем: / всю бо страну́ сию́ и вся ны чудесы́ и добро́тою обогаща́еши, / де́йством благода́ти, да пое́м ти: / ра́дуйся, о́тче, свети́ло Росси́и.

И́кос:

Похва́лим ны́не святите́ля пе́сньми, Росси́йскаго па́стыря и учи́теля, / и благоче́стно прите́чем к ра́це моще́й его́, / и почерпе́м дарова́ния, я́ко от исто́чника исцелений. / Ю́же обстоя́ще ны́не, ра́достно весели́мся / и, усер́дно обще́дше, светонóсными пе́сньми просла́вим, глаго́люще: / чудотво́рче святите́лю Алексе́е, / чудесы́ обогаща́й всех нас соде́янием благода́ти, да пое́м ти: / ра́дуйся, о́тче, свети́ло Росси́и.

Песнь 7

Ирмо́с: *Росода́тельну́ убо пещь / соде́ла А́нгел / преподо́бным отроко́м, / халде́и же опаля́ющее / веление́ Бо́жие мучите́ля увеща́ вопи́ти: / благослове́н еси́, Бо́же оте́ц на́ших.*

От светонóсных десни́цы прие́м благода́ть чуде́с, / ве́рою прося́щим, о́тче, исцеления́ разли́чная подава́еши, / святите́лю Христо́в Алексе́е, благоче́стно пою́щим: / благослове́н Бог оте́ц на́ших.

Гроб, иде́же положено́ бысть честно́е те́ло твоё, / сокруше́н бысть от мно́гаго ка́мения, егда́ распаде́ся це́рковь, / моще́м же твои́м ника́коже прикосну́ся. / Ихже мы зря́ще, неизрече́нно светя́щихся, ра́достно зове́м: / благослове́н Бог оте́ц на́ших.

В Три́ех Ипостáсех Богонача́льных / держа́ву Отца́, равноде́тельна Сы́на и Ду́ха богосло́вил еси́, / и Той тя просла́ви, и засту́пника тя показа́ нам, зову́щим ти: / изба́ви нас, свя́те, от всех зол, находя́щих на ны.

Богоро́дичен: **Т**я Засту́пницу, Чи́стая Богоро́дице, стяжа́хом, / и на Тя вси наде́жду возложихом, / и к Тебе́ прибега́ем: / спаси́ нас, Всенепоро́чная, и изба́ви моли́твами Твои́ми от обдержа́щих ско́рби и мятéжа / и лю́тых напа́стей и бед.

Ин

Ирмос: От Иудеи дошедше, отроцы / в Вавилоне иногда / верою Тройческою пламень пещный попраша, поюще: / отцев Боже, благословен еси.

Орган духовный был еси, отче святителю Алексие, / умно движим благодатию, присно бряцал еси, поя: / отец наших Боже, благословен еси.

На земли, яко солнце, сияеши чудесы, отче блаженне, / на Небесех же венценосец, радуясь, поеши: / отец наших Боже, благословен еси.

Благодатию Духа честныя мощи святителя Алексия различныя цельбы подают верою поющим: / отец наших Боже, благословен еси.

Богородичен: Телесныя слабости и душевныя недуги, Богородительнице, / любовь приходящих к крову Твоему исцели, / врача Христа нам рождающая.

Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо творishi, Христэ, токмо еже хотети. / Тя превозносим во вся веки.

На Небесех чини Ангельстии ликуют, / и на земли верных собори светло празднуют / обречение честнаго твоего телесе, святителю Алексие, / песнями славяще Христа во веки.

Вонми и услыши глаголы наша, святителю Христов Алексие, / и спаси Святэйшаго Патриарха нашего, / град же и люди изми от всякаго зла, / поющая и превозносящая Христа во веки вся.

Единоначальная Троица, всеми владычествующая, Яже тобою воспеваемая, / сим одари ты мановением Божественным, / цело и нетленно священное твое тело сохрани, / славящих бо Ю прославляет во веки.

Богородичен: Не умолчим никогдаже величати и глаголати заступление Твое, еже творishi, / утишаючи мятёж, прибегающим к покрову Твоему, Богомати, / и надежду тверду имущим Тя во веки.

Ин

Ирмос: На горѣ святѣй прославльшася / и в купинѣ огнемъ Приснодѣвы / Моисѣови тайну являшаго, / Господа пойте / и превозносите во вся вѣки.

Потщися, святе, избавити ны от напастей и скорбей многих, / обдержавших ны, плотских и душевных, / да, радуящеся, поем Христа во вся вѣки.

Призывающия тя, отче, избави всякаго зла и лютых находений / и от напрасныя смерти исхити поющия Христа во вся вѣки.

Манием Божественнымъ различныя цельбы подаютъ честныя твоя мѡщи, святителю, / просящимъ тя усердно и Христа поющимъ во вся вѣки.

Богородичен: Рѡждшая Единаго от Троицы, / моли ти не престай, Богородице, избавитися намъ отъ бед, / поющимъ и превозносящимъ Его во вѣки.

Песнь 9

Ирмос: Бога / человекомъ невозможно видети, / на Негоже не смѣютъ чини Ангельстии взирати; / Тобою же, Всечыстая, явися человекомъ / Слово воплощенно, / Егоже величающе, / с Небесными вои Тя ублажаемъ.

Со апѡстолы и святители Владычню престѡлу и с лики Ангельскими предстоя, / моли избавити насъ от печалей, находящихся на ны: / яко бо огонь, палящ и разжизающъ, лютый пламень, обходящй насъ, / от негоже избави ны, святителю Алексіе премудре, да ты ублажаемъ.

Явися звездѣ подобно, светоносивей подобіе образа твоего, / духовными лучами просвещая сердца верныхъ, / Богоразумія же свѣтомъ лучи чудес испущаеши / и исцеления подаваеши, святителю, / празднующимъ любовію обрѣтение честныхъ мѡщей твоихъ.

В Трехъ Богоначальныхъ Ипостасехъ Единъ Сый Богъ, славимый всегда / и царство имѣяй непременно, / всемошною твоею десницею шатания врагъ нечестивыхъ, и братоубійцъ въи низверзи / под нѡзе воинству нашему.

Богородичен: Рѡди вси Ты ублажаютъ ныне, Пречыстая Богородице, и всякъ градъ и страна, /

оружіе, и заступлѣніе, и забрало Тя имуще, / хвалятся Тобою, яко крѣпость их рождшую, Владѣку всех, Христа Бѣга, / силу имущаго непобѣдимую.

Ин

Ирмос: *Проявленное на горѣ законоположнику во огнь и купинѣ / Рождество Приснодѣвы / в наше вѣрных спасѣніе, / пѣсньми немолчными величаем.*

Помилуй ны, смиренныя рабы твоя, святителю Алексіе, и от тьмы скорбей изми / и пламене искушений исхити, вѣрно к тебѣ притекающія.

Яко звезда светозарная, на Небесѣх водворяясь, / с лики святых Ангел молися о хвалящих тя / и притекающих к раце честныхъ мощей твоихъ.

Архиреев украшеніе, монахов удобреніе, всех вѣрных прописаніе, / Цѣркве изрядный пастырь и учитель ты еси, Алексіе преосвященне.

Богородичен: *Безсеменно рождающая плотию Ипостасное Слово Пребезначальнаго Отца, / молися Ему, Богородице Всепетая, спасти души поющих Тя.*

Светилен:

Приидите вси, дивнаго и славнаго в чудесѣх, / великаго святителя Алексія пѣсньми священными похвалим, / Россійскаго свѣтильника и учителя, и Ангельским чинѣмъ ссельника, / и молитвенника тепла ко Господу о чтущихъ память его.

Слава, и ныне, праздника или Богородичен:

По Бѣзе упованіе наше имуще на Тя, / Пречистая Богородице, молимъ Ти ся: / молися о насъ ко из Тебѣ рождшемуся / невредны насъ даже до конца сохранить, / приришущихъ к покрову Твоему.

На хвалѣтехъ стихіры на 4, гласъ 8.

Подобен: *О, преславнаго чудесе:*

О, преславное чудо, / Ангеломъ подобное, / челоукомъ же неведомое, / еже много время во гробѣ лежащее пречестное тѣло / обрѣтесе невредимо, / чуднаго и предивнаго святителя Алексія, / исцѣляющее недуги неисцѣльныя / и прогоняющее духи лукавыя отъ приходящихъ к нему / и радостными сердцы Христа прославляющихъ, / возвеличившаго Своего угодника.

О, преслávнаго чудесé, / приидíte, насладímся, /
 я́ко от окрýна, благíми ухáнии, / невлáжную
 сердéц нáших нíву умягчím: / кáко плóтяный
 человек небесохóдец бысть, / каковú же лéстницу
 водрузí, / и Божéственного рáзума восхóд обрéте, /
 и к Бóгу приблiжися / и, с лiки святýх Ангел /
 Божéственному престóлу предсто́я, / о нас непре-
 стáнно мо́лится?

О, преслáвное чýдо, / Богоизбрáнный святiте-
 лю, / всей странé Россiйстей звездá пресвётлая, / и
 всем вёрным даровáния разлiчная подавáеши / от
 сокровища неизда́ема, / истóчник исцелéний, / не-
 мощным врачевствó безмéдно, / в напáстех гото-
 вейший утéшителъ / и моли́твенник теплéйший, /
 Алексiе премýдре, / моля́ о нас не престáй Челове-
 колю́бца, / iстинный наш учiтелю.

Слáва, глас 8:

На Не́бо ведúщий путь, неблáзненна спýтника
 обрéт, / лёгце преименитаго гра́да до́йде, / пощéни-
 ем Го́рняго Иерусали́ма прекра́сная селéния ви́-
 дит; / и ны́не к духовней трапéзе совокупля́ет нас /
 тёплый наш заступник, / преосвящённый и че-
 стный наш учiтель Алексiй, / чудотворныя и
 многоцелéбныя сво́я мо́щи / предложív нам, я́ко
 снeдь слáдку и всестро́йну, / во исцелéние
 недúжным / и скорб́ящим во утешéние, / прибéжи-
 ще же тружда́ющимся / и духов злых отгонéние. /
 Приидíte, вси Россiйстии наро́ди, / к честнéй
 ра́це его́, / и, разлiчная даровáния приéмлюще, /
 того́ прослáвим и мо́лимся, вопи́юще: / того́ моли́т-
 вами, Христé Бóже, спаси́ дýши нáша.

**И ны́не, дне илi Богорóдичен.
 Славослóвие вели́кое. И отпу́ст.**

НА ЛИТУРГИИ

Блажénны от канóна, пёснi 3-я и 6-я. **Прокiмен:** Уста́
 мой возглабóлют премýдрость, / и поучéние сердца моего́
 рáзум. **Стих:** Услы́шите сiя, вси язýбы: **Апóстол** ко Еврéем,
 зачáло 335. **Аллилúия, глас 2:** Уста́ праведнаго поучáтся
 премýдрости: **Стих:** Закон Бóга его́ в сердце его́: **Евáнгелие**
 от Луки́, зачáло 24. **Прича́стен:** В пáмь вéчную бýдет
 праведник:

Моли́тва

О пречестная и священная главо и благодати Святаго Духа исполненная, Спасово со Отцем обиталище, великий архиерее, тёплый наш заступниче, святителю Алексіе! Предстою у Престола всех Царя и наслаждаясь Света Единосущныя Троицы и херувимски со Ангелы возглашая песнь Трисвятую, велико и неизслѣдованное дерзновение имѣя ко Всемилостивому Владыце, моли́ся па́ствы твоея спасти́ лю́ди, единоро́дный ти язы́к, благостоя́ние святы́х церквѣй утверди́, архиере́и благоле́пием святите́льства украси́, мона́шествующих к подвиго́м до́браго течѣ́ния укрепи́: град сей (**или́: весь сию́: а́ще во оби́тели:** святую оби́тель сию́) и вся гра́ды и страны́ до́бре сохрани́ и ве́ру святую непоро́чну соблюсти́ умоли́: мир весь умири́, от гла́да и па́губы изба́ви ны и от нападе́ния иноплеме́нных сохрани́ нас: ста́рыя уте́ши, ю́ныя накажи́,* безу́мныя умудри́, вдови́цы поми́луй, сироты́ заступи́, младе́нцы возрасти́, немо́щствующія исцели́ и вездѣ́ тёпле призыва́ющих тя и с ве́рою притека́ющих к ра́це честных и многоцеле́бных мо́щей твоих, усер́дно припада́ющих и моля́щих ти ся, от вся́ких напа́стей и бед ходата́йством твои́м свободи́, да зове́м ти: о Богоизбра́нный па́стырю, звездо́ все́свѣтлая мы́сленныя твёрди, та́йнаго Си́она необори́мый сто́лпе, миродохнове́нный цвѣ́те ра́йский, все́златая уста́ Сло́ва, Моско́вская похвало́, все́я Росси́и украше́ние! Моли́ о нас Всеще́драго и Человеколю́биваго Христа́ Бо́га на́шего, да в день стра́шнаго Прише́ствия Его́ шу́ияго стоя́ния изба́вит нас и ра́дости святы́х прича́стники сотвори́т, со все́ми святы́ми во ве́ки. **Ами́нь.**

Обретение мощей митрополита Алексия, святителя Московского и всея Руси, состоялось 20 мая 1431 года, более чем через полвека после его блаженной кончины, в царствование великого князя Московского Василия Васильевича Тёмного (1425—1462), при Митрополите Московском

и всея Руси Фотии (†1431; память 2 июля и 27 мая).

Однажды во время Божественной литургии обрушился свод ветхого деревянного храма в Чудовом монастыре, где был погребен святитель Алексей. При этом никто из молившихся в храме не пострадал. По

* накажи́ — научи.



повелению великого князя на месте деревянного храма начали строить каменный. При копании рвов под фундамент нового храма и были обнаружены нетленные мощи святителя Алексия. В новом храме, освященном, как и прежний, во имя Архистратига Божия Михаила, был устроен придел в честь Благовещения Пресвятой Богородицы, в котором и положили многоцелебные мощи святителя Алексия. С того времени Русской Церковью было установлено празднование его памяти: 12 февраля — в день кончины и 20 мая — в день обретения мощей.

В 1484 году при настоятеле Чудова монастыря архимандрите Геннадии (с 12 декабря 1484 года — архиепископ Новгородский; память 4 декабря) в обители началось строительство новой трапезной с храмом во имя святителя Алексия. В 1485 году святые мощи его были перенесены в новый трапезный храм и поставлены у южной стены, где и хранились два столетия. 12 февраля 1535 года, в день памяти святителя, мощи его были переложены в новую серебряную гробницу.

20 мая 1686 года при Патриархе всея России Иоакиме (+1690) мощи

святителя торжественно перенесли из обветшавшего к тому времени трапезного храма в арку между новостроенными храмом в честь Благовещения Пресвятой Богородицы и храмом во имя святителя Алексия, где почивали открыто. Ныне святые мощи покоятся в Богоявленском патриаршем соборе в Москве.

В печатном Уставе 1682 года о праздновании обретения мощей святителя Алексия сказано: «Обретение честных мощей иже во святых отца нашего Алексия, митрополита Киевского и всея России чудотворца. Бдение в обители его и в велицей Церкви; повсюду же полиелей». В Уставе церковных обрядов, совершавшихся в московском Успенском соборе (ок. 1634 года), читаем: «... Мая в 20 день Алексею чудотворцу благовест в ревут (так назывался один из больших колоколов на колокольне Иоанна Великого в Кремле. — Ред.), трезвон большой, бдение в Чудове...». В Иконописном подлиннике сохранилось описание иконы обретения мощей святителя: «Обретение честных мощей пишется тако: церковь с приделом, около церкви ограда каменная; святитель Алексий лежит во гробе в саккосе, на главе клобук белой, у главы стоит святитель сед, власы велики и долги, брада аки Иоанна Богослова; за ним старец сед, брада аки Власиева, и прочие старцы разным подобием; против середины гроба стоит князь, подобием молод аки Георгий, а за ним другой аки Димитрий; еще за ним аки Иоаким Богоотец, надсед мало, и прочие священники и диаконы разным подобием».

Литература

1. Димитрий (Самбикин), архиепископ. Месяцеслов русских святых. Часть 9. Май. Тверь, 1899.
2. Невский А. Жизнеописания первосвятителей и чудотворцев Всероссийских Петра, Алексия, Ионы и Филиппа. М., 1893.
3. Протопопов Д. И. Жития святых, чтимых Православной Русской Церковью, а также чтимых Греческой Церковью. Месяц Май. М., 1885.
4. Святитель Димитрий Ростовский. Жития святых. Кн. 9, Май. М., 1908.